

Collegie e ave audientia con li Cai di X, qual ave lettere di Cesare, et parlò zerca il turco.

Fu poi lete le opinion da esser balotate e disputate ozi in Pregadi, zerca risponder a lo episcopo venuto qui per nome dil pontefice etc. Et cussi come fo do oppinion, cussi è risolte do altre, una di sier Sebastian Justinian el cavalier, consier, l'altra di sier Lunardo Emo consier, l'altra di Savii, et la quarta reformata di sier Gasparo Contarini savio dil Conseio et sier Zuan Dolfìn savio a Terra ferma.

Da poi disnar adonca fo Pregadi, et lete le lettere soprascritte, et una di *l'orator Tiepolo drezata a li Cai di X da Bruseles di . . . zener*. Il sumario forsi sarà qui avanti scritto.

Fu posto, per li Consieri una taia a Verona di certo homicidio seguito per Dominico bereter in la persona di Thomà Disipulo, come apar per lettere di sier Ferigo Renier podestà di Verona di 6 di l'istante, per tanto li sia dà autorità di poterlo meter in bando di terre et lochi etc. con taia vivo lire 800, morto 600, et confiscar li soi beni. Ave 177, 2, 5.

Fu posto per li Consieri, Cai di XL e Savii una parte, la qual posta alli 30 di dezembrio non ave il numero di le ballote, perchè la vol i quattro quinti, poi leto una suplication: che si possi far gratia a Matio Bolani debitor di la Signoria nostra per perdeda dil dazio di la becaria, di ducati 140, di pagar di pro di Montevechio *ut in parte*. Ave 160, 26, 12. Fu presa.

Fu posto

Fo chiamà, per li Serenissimo, li proveditori sora le pompe et admoniti a observar le parte di le gran pompe porta le done, solane di restagno d'oro et zoie assai etc.

Fu poi proposto al Conseio le 4 opinion di responder a lo episcopo di Verona, con gran credenza, et parlò primo sier Sebastian Justinian sopraditto per la sua opinion, et li rispose sier Lunardo Emo el consier laudando la sua risposta.

Da poi parlò sier Zuan Dolfìn savio a Terra ferma per la risposta di sier Gasparo Contarini et soa, et volendo parlar li Savi di Collegio per la soa, l'ora era tarda, fo licentiatò il Pregadi, et comandà grandissima credenza.

180 *A dì 21 zener, domenega*. La matina non fo lettera alcuna, ni vene alcun orator in Collegio.

Da poi disnar fo gran Conseio, non fu il Serenissimo, vice doxe sier Polo Nani el consier, in paozazo e beco di panno negro per la morte di una

sua sorella fo moier di sier Mario Marzello *da Santa Marina*, e fo assà persone in Conseio.

Fu posto per li Consieri e Cai di XL la parte di far per questo Conseio capitano al golfo, presa in Pregadi, la copia è qui avanti, e fu presa. Ave 1412, 51, 3.

Fu fato capitano al golfo sier Francesco Dandolo fo capitano di le galie di Alexandria qu. sier Zuanne, qual vene per scurtinio et do man di election, come si vederà qui de soto; patron a l'Arsenal niun passoe, io fui in eletione in la seconda, et si fece di la Zonta in luogo di sier Cabriel Moro el cavalier, è intrato dil Conseio di X, mi tocò patron a l'Arsenal, cambiati et avi Zonta et romasi. Fu fato altre 6 voxe et passoe.

Scurtinio di capitano al Golfo.

Sier Antonio Barbarigo fo soracomito qu. sier Cabriel	50.128
Sier Vetor Soranzo fo governator a Trani, qu. sier Mafio qu. sier Vetor cavalier procurator	62.117
Sier Almorò Barbaro fo soracomito, di sier Alvise, qu. sier Zacaria cavalier procurator	60.123
Sier Zuan Justinian fo soracomito, qu. sier Lorenzo, qu. sier Bernardo, cavalier procurator	61.115
Sier Lorenzo da Mulla fo capitano di le galie di Baruto, de sier Agostin .	89. 93
Sier Michiel Salamon fo soracomito qu. sier Nicolò, qu. sier Michiel . . .	59.122
Sier Alexandro Bondimier e capitano di le fuste, qu. sier Francesco . .	94. 90
Sier Justo Guoro fo capitano a Bergamo, qu. sier Pandolfo	59.124
† Sier Francesco Dandolo fo capitano di le galie di Alexandria, qu. sier Zuanne	124. 58
Sier Vicenzo Justinian fo capitano di le galie bastarde, qu. sier Nicolò .	56.122
Sier Lorenzo Sanudo è soracomito, di sier Zuanne	42.134
Sier Jacomo Marzello fo patron di fusta, qu. sier Piero	57.123
Sier Andrea Contarini fo soracomito, qu. sier Stefano	92. 80